

Post communionem

Præclárum, Dómine,
mortis et resurrectiónis Fílii tui mystérium,
quod annuntiávimus, celebrándo,
fac, ut, per huius sacraménti virtútem,
étiam vivéndo fateámur.

Per Christum.

4. IN CONFERENDA CONFIRMATIONE

Hæc Missa adhibetur, cum colore rubro, vel albo, vel festivo,
in collatione Confirmationis, diebus quibus Missæ rituales permittuntur.
Dicitur Glória in excélsis. Symbolum vero omittitur.

A

Ant. ad introitum Ez 36, 25-26

Dicit Dóminus: Effúndam super vos aquam mundam,
et dabo vobis cor novum,
et spíritum novum ponam in médio vestri (**T.P. allelúia**).

Collecta

Præsta, quæsumus, omnípotens et misericors Deus,
ut Spíritus Sanctus advéniens templum nos gloriæ suæ
dignanter inhabitando perficiat.

Per Dóminum.

Vel:

Promissiónem tuam, quæsumus, Dómine,
super nos propitiátus adímplice,
ut Spíritus Sanctus advéniens
nos coram mundo testes efficiat
Evangélii Dómini nostri Iesu Christi.

Qui tecum.

Aliæ orationes ad libitum (p. 986).

Super oblata

Famulórum tuórum, quæsumus, Dómine,
súscipe vota cleménter, et præsta,
ut, Fílio tuo perféctius configuráti,
in testimónium eius indesinénter accréscant,
memoriále participántes redemptiōnis eius,
qua Spíritum tuum nobis ipse proméruit.

Qui vivit et regnat in sácula sæculórum.

**Adhiberi potest Præfatio I de Spiritu Sancto (pp. 1168-1169),
vel II (p. 1179).**

Quando adhibetur Canon romanus, dicitur Hanc igitur proprium:

Hanc igitur oblationem servitutis nostrae,
sed et cunctae familiae tuae,
quam tibi offferimus pro iis quoque,
quos, Baptismate regeneratos,
confirmare dignatus es donatione Spiritus Sancti,
quae sumus, Domine, ut placatus accipias,
et propitiatus in eis tuam gratiam custodias.

(Per Christum Dominum nostrum. Amen.)

Quando adhibetur Prex eucharistica II post verba ...universo clero
additur:

Recordare quoque, Domine, famulorum tuorum,
quos hodie donatione Spiritus Sancti
confirmare dignatus es, et eos in gratia tua conserva.

Quando adhibetur Prex eucharistica III post verba ...populo acquisitionis
tuae additur:

Memento etiam, Domine, famulorum tuorum,
quos, Baptismate regeneratos,
confirmare dignatus es donatione Spiritus Sancti,
et propitiatus in eis tuam gratiam custodi.

Ant. ad communionem Cf. Hebr 6, 4

Quicumque illuminati estis,
qui gustavistis donum caeleste,
et particeps facti estis Spiritus Sancti,
gaudete omnes in Domino (T.P. alleluia).

Post communionem

Spiritu Sancto, Domine, perunctos
tuique Filii sacramento nutritos
tua in posterum benedictione prosere,
ut, omnibus adversitatibus superatis,
Ecclasiam tuam sanctitate laetificant,
eiisque in mundo incrementa
suis operibus et caritate promoveant.
Per Christum.

Benedictio in fine Missae

Episcopus, manibus super nuper confirmatos extensis, dicit:

Benedicat vos Deus Pater omnipotens,
qui vos, ex aqua et Spiritu Sancto renatos,
filios suos adoptationis effecit,

et dignos sua patérna dilectióne custódiat.

R. Amen.

Benedícat vos Fílius eius Unigénitus,
qui Spíritum veritátis
in Ecclésiam mansúrum esse promísit,
et vos in confessióne veræ fidei sua virtúte confírmet.

R. Amen.

Benedícat vos Spíritus Sanctus,
qui ignem caritatis in córdibus discipulórum accéndit,
et vos, in unum congregátos,
ad gáudium regni Dei sine offensióne perdúcat.

R. Amen.

Et universum populum benedicit subiungens:

Et vos omnes, qui hic simul adéstis,
benedícat omnípotens Deus,
Pater, c et Fílius, c et Spíritus c Sanctus.

R. Amen.

Vel:

Oratio super populum

Episcopus, manibus super nuper confirmatos et populum extensis, dicit:

Confírma hoc, Deus, quod operátus es in nobis,
et Spíritus Sancti dona
in córdibus tuórum custódi fidélium,
ut et Christum crucifixum
coram mundo confitéri non erubéscant,
et mandáta eius devóta caritáte perficiant.
Qui vivit et regnat in sácula sæculórum.

R. Amen.

Et benedíctio Dei omnipoténtis,
Patris, + et Fílii, + et Spíritus + Sancti.
descéndat super vos et máneat semper.

R. Amen.

B

Ant. ad introitum Cf. Rom 5, 5; 8, 11

Cáritas Dei diffusa est in córdibus nostris
per inhabitántem Spíritum eius in nobis
(T.P. allelúia).

Collecta

Spíritum Sanctum tuum, quæsumus, Dómine,

super nos dignánter effúnde,
ut omnes, in unitáte fidei ambulántes,
et caritátis eius fortitúdine roboráti,
ad mensúram ætátis plenitúdinis Christi occurrámus.

Qui tecum.

Aliæ orationes ad libitum (p. 986).

Super oblata

Hos fámulos tuos, Dómine,
una cum Unigénito tuo benígnus admítte,
ut, qui eius cruce spiritalíque sunt unctióne signáti,
se tibi cum ipso iúgiter offeréntes,
largiórem in dies effusiónem tui Spíritus mereántur.

Per Christum.

Adhiberi potest Præfatio I de Spiritu Sancto (pp. 1168-1169),
vel II (p. 1170).

In Precibus eucharisticis: Intercessione propriæ (p. 983).

Ant. ad communionem Cf. Ps 33, 6.9

Accédite ad Dóminum et illuminámini:

gustáte et vidéte quóniam suávis est

(T.P. allelúia).

Post communionem

Quos tui Spíritus, Dómine, cumulásti munéribus,
tuíque auxísti Unigéniti nutriménto,
fac étiam in plenitúdine legis instrúcitos,
ut coram mundo tuæ libertátem adoptiόnis
iúgiter maniféstent,
et prophéticum tui pópuli munus
sua váleant sanctitáte præbérē.

Per Christum.

Benedictio sollemnis vel Oratio super populum (p. 984).

C

Aliæ orationes, pro opportunitate adhibendæ

Collecta

Mentes nostras, quásumus, Dómine,
Paráclitus qui a te procédit illúminet,
et indúcat in omnem, sicut tuus promísit Fílius, veritátem.

Qui tecum.

Super oblata

Súscipe, quásumus, Dómine, oblatiόnem familiæ tuæ,

ut, qui donum Spíritus Sancti suscepérunt,
et colláta custódiant, et ad ætérrna præmia pervéniant.
Per Christum.

Post communionem

Spíritum nobis, Dómine, tuæ caritatis infunde,
ut, quos uno pane cælesti satiasti,
una fácias pietate concordes.

Per Christum.

II. IN CONFERENDA UNCTIONE INFIRMORUM

Quoties sacra Unctio intra Missam confertur, diebus quibus
Missæ rituales permittuntur adhiberi potest Missa pro infirmis
(pp. 1146-1147) cum colore albo.

Omnes orationes, quæ pro viro ponuntur, aptari possunt pro
muliere, mutato genere; quæ autem forma plurali sunt expressæ,
adhiberi possunt pro singulis, mutato numero.

In fine Missæ adhiberi potest formula benedictionis ex his quæ
sequuntur.

Benedicat te Deus Pater.

R. Amen.

Sanet te Dei Filius.

R. Amen.

Illúminet te Spíritus Sanctus.

R. Amen.

Corpus tuum custodiatur et animam tuam salvet.

R. Amen.

Cor tuum collüstret et te ad supérnam vitam perdúcat.

R. Amen.

Et vos omnes, qui hic simul adéstis,
benedicat omnípotens Deus,
Pater, et Filius, + et Spíritus Sanctus.

R. Amen.

Vel:

Dóminus Iesus Christus apud te sit ut te défendat.

R. Amen.

Ante te sit ut te dedúcat, post te sit ut te muniatur.

R. Amen.

Te respíciat, te consérvet atque te benedicat.

R. Amen.

Et vos omnes, qui hic simul adéstis,
benedicat omnípotens Deus,